

Соцдөрлдөнә сән аш



А. ГЛАДЧЕНКО.
„Каспиец“ колхозин ахлач.



Каспийск района «Каспиец» колхозин загъсчир хаврин путинә кӱдлмштән ик сән диилвр кӱцв. Эннӱ Бок тенъгсин загъсчирин дунд эн джилин тӱрӱнәс ави делгрси ӱрги социалистическ дӱрлдәнд тедн шунмгъа кевәр орлцена ашнӱ болджана.

Колхозин эклц партийн организац болн колхозин правлень загъсчир дунд олна политическ цәәлгъврин кӱдлмш делгрӱлдж, тедниг цугтагъинӱ дӱрлдәнд орулдж авч. Тӱрскндән загъс элвгәр орулдж ӱгхми гидж ноолда келгӱнд тӱрӱн оньган тәвцхәдӱ кӱдлцхәв.

Путин эклхин урдаснӱ загъсчирин хург болдж, загъс анъиллгъна зура кӱцәлгъяр социалистическ даалгъвр авлгъна туск тӱрәр ӱрги кӱӱндвр болдж, колхозд ӱмн нӱӱрт йовх загъсчирин седвәрәр ставной шӱӱгӱлин звено болгӱн джилә зурагъасн давулдж, 250-д центнер загъс бәрх болсми. Эн хурт загъсчир путинд белдвр келгӱнд бәәх дутудундиг илдкдӱ келәд, тер тоотиг ягъж хурдар уурулдж болх хаалгъинӱ заадж, сӱв-селвгән ӱгснӱ бас ик ач-туста болв.

Колхозин правлень эн джил ставной шӱӱгӱлмӱдин тоогъинӱ икдӱлв, загъсчиринг гӱлч-урхар теткльгинг зӱвәр ясрулв, тенъгст йовх бригадст цагланӱ тодрха гардвр кедж, кергтә цагланӱ дӱнъгән ӱгч йовб. Загъсчир дунд цәәлгъврин, културин кӱдлмш урдкаси сәәнәр кегденә ашднӱ теднә производственн шунмгъанӱ улм ӱсәд йовхд ик демән кӱргв.

Ода путинә кӱдлмш тӱгсәд, диг кегддӱжәх цагт, мана загъсчир ик байр-бахмдӱжә бәәцхәнә. Тииглго

чигн бәәшго. Сӱӱлин джилмӱдин дигәр кирцхлә, эн джилин кӱцен диилврнӱ ик сән. Тӱрӱн ӱрәл джилд загъс бәрдж государствд орулдж ӱгх зура 177 процент кӱрч кӱцәгдв. Орн-нутт мана загъсчир 31462 центнер ӱнтә сән загъс орулдж ӱгв

Зура иигдӱ давулдж кӱцәхд колхозин кесг загъсчир кӱч-кӱлсән хармилго тәвсинӱ заах кергтә. Загъсчирин дӱрлдән ӱргәр делгрхд ик седвәрән гаргъдж, тӱрӱнд мӱнъкин гарч мана тоомерта загъсч ӱр Х. Б. Аубекеров йовб. Тингәд чигн эн 1958 джилин 5 сарин туршарт 2800 центнер загъс ставной шӱӱгӱләр бәрв, әс гидж дӱрви джилин зура давулдж кӱцәгдв. Гурви джилин зура давулдж ӱр А. Д. Карпов, гурви джилин зура ӱр К. Г. Хайрлиев кӱцәв. Хошад джилин зура давулдж кӱцәсн загъсчир дунд ӱӱрмӱд П. Г. Зубков, К. Ц. Умбеталиев, С. О. Омаров, У. Бембеев, нанӱ чигн улс йовна.

Колхоз джилә зурагъан 88,7 процент кӱцәв, кӱцәггәд давулдж чигн болх әв эн хавр учрсми. Болв МРС колхозиг кергтә тоотар кӱциднӱ әс теткснә учрар тер аргъ олзлгдси уга. Бок тенъгсин ӱмн ӱзгт оч колхозас 3 сейнер кильк анъхми бәәсми. МРС эн савмудиг теткдӱж гаргъдж чаден уга, эн учрар 6000 центнер загъс бәрх зура кӱцәгдси уга. Тенъгсә реюшкин кӱдлмшнӱ бас тату болв.

Ода колхозин правлень, цуг загъсчир намрин путинд белдлгӱнә кӱдлмшән эклчкв. Кӱцен диилврән батлдж, эн джил авси социалистическ даалгъврән әркән уга кӱцәхд цуг оньган тәвдӱжәнәвди.